

ROLEX



M

MICHELSEN

ÚRSMÍÐIR SÍÐAN 1909

Laugavegur 15 - 101 Reykjavík - 511 1900 - www.sviss.is

MARKAÐURINN

Sögurnar... tölurnar... fólkíð...

...við prentum!

GUDJÓNÓ

VISTVÆN PRENTSMÍÐJA
Sími 511 1234 • www.gudjono.is


Miðvikudagur 7. júlí 2010 – 7. tölublað – 6. árgangur

Veffang: visir.is – Sími: 512 5000 **visir**

Gjaldmiðlar
Kínverjar vilja styrkja júanið



Tækni
Gagnavistun yfir á netið



Alþjóðleg fyrirtæki
Erfitt rekstrarumhverfi



Vegið að sjálfstæðinu

Evrópski seðlabankinn (ECB) hefur ávítt ríkisstjórn Rúmeníu fyrir að þröngva 25 prósentu launalækkun upp á starfsmenn rúmenska seðlabankans. Í harðorðri yfirlýsingu sem gefin var út á mánudag varaði ECB við því að aðgerðirnar brytu í bága við samninga ESB sem segja til um sjálfstæði peningamálayfirvalda. Rúmenska ríkisstjórnin kynnti í maí niðurskurðaráætlanir þar sem gert er ráð fyrir 25 prósentu launalækkun hjá öllum opinberum starfsmönnum. Í vikunni hefur ECB legið undir ámæli fyrir hræsni þar sem hann hefur mælt með niðurskurði hjá hinu opinbera. - mþl

Hamfarir dreifa veirum

Hamförum á borð við eldgosíð í Eyjafjallajökli er nú tekið fagnandi af tölvuþrjótum. Fyrirtækið AppRiver hefur greint útbreiðslu tölvuhætta og komist að því að örfáum dögum eftir slíkar hamfarir hafa sprottið upp hundruð hættulegra netveira sem tengja sig atburðunum á einhvern hátt. Þannig geta tölvuþrjótar margfaldað dreifingu veiranna. Tölvunotendur ættu því framvegis að vera á varðbergi þegar meldingar berast sem tengjast stórfréttum. - mþl

HELST Í ÚTLÖNDUM



Regluverk uppfært Fulltrúadeild Bandaríkjaþings hefur samþykkt hið svokallaða Dodd-Frank frumvarp. Verði frumvarpið samþykkt í öldungadeild þingsins er um að ræða mestu breytingar á regluverki fjármálakerfisins þar í landi síðan á fjórða áratug 20. aldarinnar.

Innköllun á bílum Toyota hóf á mánudag innköllun á 270 þúsund bílum af gerðunum Lexus og Crown. Ákveðin tegund gorma í vélum bílanna er gölluð sem getur valdið því að bílarnir stöðvist fyrirvaralaust. Markaðir tóku fréttunum með ró og hækkuðu hlutabréf í Toyota um 0,5 prósent á mánudag.

Hækka stýrivexti Sænski seðlabankinn hækkaði lykilstýrivexti sína um 0,25 prósentustig í síðustu viku. Svíþjóð varð þannig aðeins annað landið í heiminum til að hækka stýrivexti eftir að alþjóðlega fjármálakrisan skall á en norski seðlabankinn reið á vaðið í október. Útlit efnahagsmála er bjart í Svíþjóð en spáð er hagvexti upp á 3,3 prósent á þessu ári.

Dyrum nærri lokað á erlenda fjárfesta

Ísland er með hæstu þröskulda í heimi gegn beinni erlendri fjárfestingu. Unnið er að endurskoðun laga sem takmarka erlent eignarhald á fyrirtækjum, segir viðskiptaráðherra.

Jón Aðalsteinn Bergsveinsson
skrifar

Ísland er í öðru sæti á lista yfir þau aðildarríki Efnahags- og framfarastofnunar Evrópu (OECD) yfir þau lönd sem hafa miklar takmarkanir á beinni fjárfestingu erlendra aðila. Mestu hömlurnar eru í Kína. Næst á eftir Íslandi stendur Rússland og Sádi-Arabía kemur þar á eftir. Á hinum endanum eru Holland og Lúxemborg, sem hafa opnað dyrnar í fulla gátt fyrir beina fjárfestingu erlendra aðila.

Aðildarríki OECD eru 31 talsins. Síðasta könnun var gerð fyrir fjórum árum. Þá var Ísland í öðru sæti á eftir Indlandi. Indverjar hafa opnað hagarferfi sitt nokkuð síðan þá og verma nú áttunda sætið yfir þau lönd sem hafa hæstu þröskuldana gegn beinni erlendri fjárfestingu.

OECD birti skýrslu um möguleika erlendra aðila til að fjárfesta í öðrum löndum um mánaðamótin. Þar eru teknir með í reikninginn ýmsir þættir, sem ekki hafa verið settir inn í breytuna áður. Þar á meðal eru möguleikar erlendra aðila til að fjárfesta í fasteignum, fjölmiðlum, verslun og þjónustu og samgöngum. Miðað er við þrjá meginþætti, þar á meðal takmarkanir sem settar eru á erlent eignarhald og takmörkun á hlutfalli erlendra stjórnenda í fyrirtækjum.

Á meðal þess sem dregur Ísland niður er algjört bann við fjárfestingu erlendra aðila í sjávarútvegi,



GYLFI MAGNÚSSON

námavinnslu, orkugeiranum og á fasteignamarkaði samkvæmt OECD. Viðmælendur Fréttablaðsins telja að einhverju leyti um oftúlkun OECD að ræða. Erendir aðilar geti fjárfest hér hafi þeir heimilisfesti á EES-svæðinu. Þeir líta engu síður alvarlegum augum á málið. Niðurstöðurnar séu ekki til að auka traust erlendra fjárfesta á landinu.

Núgildandi lög um takmarkanir erlendra aðila hér eru nítján ára gamlar, voru samþykktar árið 1991. Þar er lagt bann við eignarhaldi erlendra aðila í íslenskum sjávarútvegi, strangar takmarkanir settar við eignarhald erlendra aðila í innlendum flugrekstri og eignarhald í orkufyrirtækjum takmarkað við Íslendinga og aðila á EES-svæðinu.

Nefnd sem fylgist með lögum um takmörkun erlendra fjárfestingar hér taldi í janúar að endurskoða þyrfti lög. Ekki náðist í Þórð H. Hilmarsson, forstöðumann hjá Fjárfestingarstofu, þegar eftir því var leitað í gær.

Gylfi Magnússon, efnahags- og viðskiptaráðherra, sagði í samtali við fréttastofu Stöðvar 2 í gær að unnið væri að endurskoðun laga um takmarkanir á erlendri fjárfestingu. Líklegt væri að frumvarp um endurskoðun þeirra yrði lagt fram á haustþingi. „Ég get samt engu lofað,“ sagði hann.



KYNNTU ÞÉR ÚRVALIÐ ... OG PANTAÐU

www.opticalstudio.is

Lífeyrissjóðir bæta við sig

Seðlabankinn birtir á föstudag tölur um stöðu lífeyrissjóðanna í lok maí.

Mánuði fyrr nam hrein eign lífeyrissjóðanna til greiðslu lífeyris 1.874 milljörðum króna og jókst um 16 milljarða frá fyrri mánuði. Í Morgunkorni Íslandsbanka segir að frá því á sama tíma fyrir ári hafi hrein eign sjóðanna hækkað um 245 millj-

arða króna eða sem nemi um 15 prósent að nafnvirði. Það sé um 6,2 prósent hækkan að teknu tilliti til verðbólgu.

„Þó ber að hafa í huga að raun-ávöxtun sjóðanna er mun lægri þar sem greiðslur inn í sjóðina eru töluvert hærri en lífeyrisgreiðslur og útlæði vegna innlausnar séreignarsparnaðar,“ segir í Morgunkorninu.

Leita ráða hjá Sveini Haraldi

„Bæði íslensk fyrirtæki sem leita norræna fjárfesta og norræn fyrirtæki sem hug hafa á að fjárfesta á Íslandi hafa leitað til mín. En þetta er ekki launað starf; ég hjálpa þeim í frítíma mínum utan vinnu. Þetta litla framlag mitt vona ég að sé hluti af því að rétta efnahagslífið við,“ segir Svein Harald Öygard, fyrrverandi seðlabankastjóri. Um tólf íslensk fyrirtæki hafa leitað til hans.

Svein Harald tók við starfi seðlabankastjóra af þeim Davíð Oddssyni, Ingimundi Friðrikssyni og Eiríki Guðnasyni seint í febrúar í fyrra en steig úr honum þegar Már Guðmunds-



SVEIN HARALD Um tólf íslensk fyrirtæki hafa leitað ráða hjá fyrrverandi bankastjóra Seðlabankans. MARKAÐURINN/ANTON

son var ráðinn í ágúst. Eftir að hann fór aftur utan tók hann við sambærilegri framkvæmdastjórnastöðu hjá ráðgjafarfyrirtækinu McKinsey í Noregi og hann hafði áður.

Íslensk fyrirtæki sem leitað hafa hófanna í Noregi hafa sett sig í samband við seðlabankastjórnann fyrrverandi. Svein Harald segist í samtali við Fréttablaðið gera sitt besta til að koma fyrirtækjunum til hjálpar. „Ég hef reynt að hjálpa þessum fyrirtækjum sem best ég má. Það felst aðallega í því að koma þeim í kynni við þá sem ég tel betur tengda og geta hjálpað þeim frekar,“ segir Svein Harald. - job

BANKABÓKIN

Samantölur á vaxtatölum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 3,80% ^A	13,85% ^B	13,50% ^B
Íslandsbanki	Vaxtaþrep 4,55%	13,50% ^C	13,25% ^C
Landsbankinn	Vaxtareikningur 5,60% ^D	14% ^E	14% ^E
MP BANKI	MP Sparnaður 4,70% ^F	13,25%	11,75% til 13,25% ^F
BYR	PM-reikningur 4,85% ^G	14% ^H	13,55 til 14,90% ^H
SPARISJÓÐURINN	Netreikningur 5,15% ^I	14,90%	14,40%
Sea	Sparnaðarreikningur 4,20%	11,80%	ekki í boði

^AMarkaðsreikningur bundinn í tíu daga. ^BAð auki er 3% viðskiptagjald skuldfært mánaðarlega af heimild. ^CAð auki er 5% viðskiptagjald skuldfært mánaðarlega af heimild. ^DVaxtareikningur bundinn í sjö daga. ^EAð auki er 1,5% heimildargjald skuldfært mánaðarlega af heimild. ^FFer eftir því hvernig fyrirtækið er metið hjá MP. Aðeins eru greiddir vextir af nýttu heimild. ^GPM er bundinn í tíu daga. ^HEkkert heimildargjald. ^I0,25% úttektargjald.

Athugið að ekki er tekið tillit til árgjalds, sem getur fylgt yfirdráttarreikningum.

Júanið í styrkingarfasa næstu misserin

Stefnubreyting kínverskra stjórnvalda mun hafa mikil áhrif á kínverska hagkerfið en áhrifanna mun gæta víðar.

Magnús Þorlákur Lúdvíksson
skrifar

Kínversk stjórnvöld tilkynntu hinn 19. júní síðastliðinn að þau muni breyta stefnu sinni í gjaldmiðilsmálum. Undanfarnin ár hefur gengi kínverska gjaldmiðilsins, júansins, verið fast við bandaríska dollarann en nú er stefnt að styrkingu. Verður gjaldmiðillinn settur á takmarkað flot í kringum töluverðum gjaldmiðla. Talið er að júanið muni styrkjast töluvert í kjölfarið en þessi stefnubreyting mun sennilega hafa veruleg áhrif á kínverska hagkerfið og raunar víðar.

Sumir telja reyndar að lítið muni breytast. Hefur því verið haldið fram að yfirlýsingin sé í raun aðeins tilraun til þess að róa Bandaríkjamenn en mikill þrýstingur hefur verið á Kína af hálfu Bandaríkjanna að leyfa júaninu að styrkjast. Skýrist það af ójafnvægi í milliríkjaverslun landanna en Bandaríkjamenn hafa gríðarlegan viðskiptahalla sem rekja má að stærstum hluta til viðskipta við Kína. Þó ber að hafa í huga að slíkt ójafnvægi orsakast ekki eingöngu af skakkri hlutfallslegri stöðu gjaldmiðlanna heldur líka af innri þáttum.

Kínverjar gefa sér reyndar svigrúm í yfirlýsingunni til að mögulega hægja á eða jafnvel snúa styrkingunni við telji þeir aðstæður krefjast þess. Júanið hefur hins vegar styrkst frá yfirlýsingunni og það sem skiptir sennilega meira máli er að væntingar markaða eru nú að júanið muni halda áfram að styrkjast á næstu misserum. Það gerir Kínverjum erfitt fyrir, kjósi þeir að snúa við.

Ástæður þess að Kínverjar vilja að júanið styrkist eru fjölbreyttar. Mestu skiptir að næstum tíunda hluta landsframleiðslu er nú varið í að kaupa erlend ríkisskuldabréf (aðallega bandarísk) til þess að koma í veg fyrir að júanið styrkist borið saman við dollaran. Margt annað er hægt að gera fyrir þá peninga eins og gefur að skilja. Gengisstyrkingin mun einnig auka kaupmátt kínverskra neytenda og gera bensín og aðrar innfluttar vörur ódýrari. Hún gagnast þó fleiri þjóðum en Kínverjum. Styrkist gengið munu vörur frá öðrum löndum að lokum verða sam-



AUKINN KAUPMÁTTUR Kínverskur almenningur mun njóta góðs af styrkingu júansins með auknum kaupmátti. FRÉTTABLAÐIÐ/AP

keppnishæfar á mörgum mörkuðum sem Kínverjar ráða lögum og lofum á í dag. Styrkingin getur því stuðlað að hagvexti í viðskiptalöndum Kína. Á meðan mun hægjast á vexti í Kína en vöxtur hefur verið svo hraður undanfarið að verðbólga er orðin áhyggjuefni. Því er sennilega ráðlegt að hægja á vexti til að koma í veg fyrir ofhitnun hagkerfisins.

Skiptar skoðanir eru hins vegar á því hve mikið muni hægja á vexti. Sumir hræðast að afleiðingar gætu orðið viðvarandi hægur vöxtur. Í því sambandi er bent á það hvernig japanska jenið styrktist á áttunda og níunda áratugnum en í kjölfarið hægðist verulega á hagvexti þar í landi og hófst þá hinn svokallaði týndi áratugur. Aðrir segja hins vegar ástæðulaust að óttast slíkt. Á árunum 2005 til 2008 styrkist júanið töluvert en það hafði lítil sýnileg áhrif á útflutning og hagvöxt. Tveir hagfræðingar, Barry Eichengreen og Andrew K. Rose, hafa rannsakað hvað líklegt væri að gerðist færi júanið í styrkingarfasa með því að skoða lönd sem hafa verið í svipuðum aðstæðum. Niðurstaða þeirra er sú að þau muni hægjast á hagvexti um eitt prósentustig á ári næstu fimm árin en að aðrar mikilvægar hagstærðir muni sennilega breytast lítið.

Búið er við því að gengisstyrkingin verði hægt ferli, um 2 til 3 prósent á ári. Það kann að hljóma lítið en sú þróun getur á nokkrum árum breytt jafnvægi heimsviðskipta til mikilla muna.

Lilja kveður Seðlabankann

Lilja Alfreðsdóttir, staðgengill framkvæmdastjóra á skrifstofu seðlabankastjóra, hefur verið ráðin ráðgjafi hjá Alþjóðagjaldreyrissjóðnum (AGS) í Washington í Bandaríkjunum.

Lilja verður fulltrúi Íslands á skrifstofu AGS sem fer með mál-efni kjördæmis Norðurlandanna og Eystrasaltsríkjanna og heyrir undir Danann Per Callesen, fastafulltrúa í framkvæmdastjórn AGS. Lilja tekur við starfinu af Birni Ólafssyni, sem snýr heim.

Mánuður er síðan gengið var frá ráðningu Lilju og tekur hún við starfinu ytra 23. ágúst. Hún segir mikla vinnu innta af hendi á skrifstofunni fyrir aðildarríki AGS áður en mál séu lögð fyrir



LILJA ALFREÐSDÓTTIR

framkvæmdastjórnina. „Þetta er mjög lýðræðislegt,“ segir hún.

Lilja hóf störf í bankanum árið 2001 og hafa meginverkefni hennar falist í samskiptum við AGS, svo sem vegna lánasamkomulags stjórnvalda við sjóðinn auk samskipta við alþjóðleg matsfyrirtæki og fjármálastofnanir. - job

Hvaða lausnir henta þinni starfsemi?

Fáðu ráðgjöf hjá sérfræðingum VALITOR um hvaða lausnir henta þér best.

Við kappkostum að veita viðskiptavinum okkar framúrskarandi og skjóta þjónustu.

Hafðu samband í síma 525 2080 og kynntu þér málið

VISA og Mastercard færsluhirðing!



VALITOR

–Traustur íslenskur þjónustuaðili



SUZUKI

Skynsemi, sparneytni - ánægja!



Kizashi er algjörlega nýr fjórhjóladrifinn fólksbíl í millistærðarflokki frá Suzuki.

Sportlegur, aflmikill, vandaður og með frábæra aksturseiginleika. Bíll sem keppir við þá bestu!
2,4L vél. Verð 6.540 þús.
Meðaleyðsla 8,3L/100km



**Söluhæsti fólksbílinn á Íslandi árið 2009
SUZUKI SWIFT**

Beinskiptur, sjálfskiptur, 4x4
1,3L eða 1,5L vélar. Verð frá 2.690 þús.
Meðaleyðsla frá 6,2L/100km



**FULL
FRAME
4x4**

**Söluhæsti jeppinn á Íslandi árið 2009
SUZUKI GRAND VITARA**

Verð frá kr. 4.520 þús., bensin/beinskiptur
Meðaleyðsla 7,0L/100km, diesel,
8,8L/100 km, bensin



**FULL
FRAME
4x4**

**Nýr SX4 Sportjepplingur. Ný sparneytin vél,
ný innrétting, aukinn búnaður og síðast
en ekki síst hagstætt verð.
Með 1,6L vél. Verð kr. 3.740 þús.
Meðaleyðsla 7,6L/100 km, sjálfskiptur**



**Upplifðu einstaka aksturseiginleika Jimny.
Handskiptur, sjálfskiptur
Verð frá kr. 2.990 þús.
Meðaleyðsla frá 7,3L/100km, beinskiptur.**



Sparaðu með vishæfum Suzuki Splash
Verð kr. 2.490 þús.
Meðaleyðsla 5,0L/100km, beinskiptur.



**Alto. Sparneytinn borgarbil
sem fær frítt í stæði í miðbænum!**
Hagstætt verð, ódýr í rekstri. Verð kr. 2.190 þús.
beinskiptur. Meðaleyðsla 4,4L/100km.

Komdu og reynsluaktu Suzuki - upplifunin verður ánægjuleg.

SUZUKI - FYRIR SKYNSAMT FÓLK



TRAUST UMBOD Í YFIR 40 ÁR

SUZUKI

SUZUKI BÍLAR HF • SKEIFUNNI 17 • SÍMI 568 5100 • WWW.SUZUKI.IS



BLESS ÓSTÖÐUGA UMHVÆRFI Rekstrarumhverfi íslenskra stórfyrirtækja í alþjóðlegum rekstri er ótryggt sökum illa ígrundaðra skattabreytinga. Líklegt að hluti fjárfesta sem hafa fært lögheimili sitt í annað land séu að flýja stóreignaskatta. Stjórnendur stærstu fyrirtækja landsins hafa fengið skattasérfræðinga sína til að fara yfir kosti og galla skattkerfisins.

MARKAÐURINN/RÓSA

Ríkið sníður *stórfyrirtækjum* þröngan stakk

Rekstrarumhverfi íslenskra fyrirtækja í alþjóðlegum rekstri hefur um árabil verið erfitt. Stjórnendur stærstu fyrirtækja landsins segja auknar skattaálögur og tíðar breytingar sníða þeim þröngan stakk. Úr því verði að bæta. Þeir binda margir vonir við inngöngu í Evrópusambandið. *Jón Aðalsteinn Bergsveinsson* ræddi við nokkra af forkólfum viðskiptalífsins.

Hættumerki eru framundan í íslensku efnahagslífi sem mikilvægt er að takast á við. Fyrirtæki eru að flytja starfsemi til útlanda. Fjárfestar telja að þar séu tækifærin fleiri og svigrúmið meira. Aðstæður hér geta dregið úr áhuga fjárfesta á að byggja fyrirtæki sín upp hér og fjárfesta frekar ytra. „Það er hættulegt fyrir atvinnulíf á Íslandi ef fjárfestingin og hugvitið fer að mestu til útlanda. Við megum ekki loka augunum fyrir þeirri ógn sem íslensku atvinnulífi stafar af þessum landflótta.“

Þannig skrifar Þorkell Sigurðsson, framkvæmdastjóri fjármála- og þróunarviðs Háskólans í Reykjavík. Varnaðarorð Þorkells láta kunnuglega í eyrum.

En sú er ekki raunin. Greinin er fimm ára gömul og skrifar Þorkell hana í því skyni að vara við að útrásin, sem þá var að fara á flug, breyttist í fyrirtækjaflótta.

STJÓRNENDUR FARA ÚR LANDI

Nú fimm árum síðar virðist svipuð staða komin upp. Fyrir hálfum mánuði tilkynnti samheitalyfjafyrirtækið Actavis um forstjóraskipti en þá stóð Sigurður Óli Ólafsson upp úr stólnum fyrir Clau-

dio Albrecht. Hans fyrsta verk var að greina frá því að leit stæði yfir að hentugri staðsetningu fyrir æðstu stjórnendur fyrirtækisins á miðlægum stað á meginlandi Evrópu. Þótt Albrecht hafi þvertækið fyrir að Actavis væri að færa höfuðstöðvar sínar úr landi óttast þeir sem til þekkja að þetta kunni að vera fyrstu skrefin í þá átt. Í kjölfarið muni fyrirtækið auka uppbyggingu sína utan landsteina og skatttekjur færast úr landi.

Albrecht er fjarri því eini erlendi forstjórinn sem sest hefur í forstjórastól íslensks fyrirtækis í alþjóðlegum rekstri upp á síðkastið. Skemmst er að minn-

ast þess að Theo Hoen tók óvænt við af Herði Arnarsyni hjá Marel í fyrravor auk þess sem Jón Sigurðsson, forstjóri Össurar, flutti til Bandaríkjanna um áramótin.

Þeir sem rætt hefur verið við í tengslum við málið segja ekki útilokað að einhver fyrirtæki innan sprotageirans séu í sömu sporum. Því til staðfestingar hefur verið bent á að nokkur sprotafyrirtæki eigi erfitt með að laða til sín erlenda fjárfesta. Þeim hugnast einfaldlega ekki óstöðugt umhverfi hér nú um stundir.

Líkt og Fréttablaðið greindi frá fyrir nokkru hefur tónlistarnetveitan Gogoyoko rekið sig á slíkan

vegg. Fyrirtækið hefur um nokkurt skeið reynt að ljúka hlutfjár- aukningu sinni og gæti þurft að flytja utan til að setja punktinn aftan við hana.

SKATTUR Í SEPTEMBER

Ríkisstjórnin boðaði fyrir nokkru stórauknar álögur á einstaklinga og fyrirtæki. Þar á meðal er 1,25 prósentu auðlegðarskattur, sem miðar við eignastöðu einstaklinga um síðustu áramót. Skatturinn leggst á eignir einstaklinga yfir níutíu milljónir króna og hjóna yfir 120 milljónum króna.

Viðmælendur Fréttablaðsins segja þetta skýra að hluta flutning lögheimilis stóreignafólks úr landi. Ljóst sé að hluti fólksins hafi ekki séð annan kost í stöðunni þar sem það gæti neyðst til að selja eignir til að standa straum af gjaldtökunni. Nær hefði verið að setja á hátekjuskatt enda tæki það mið af tekjuflæði fremur en eignum, sem erfitt er að koma í verð.

FÆRA EKKI ARÐINN HEIM

Hollenskir skattasérfræðingar Actavis, Marel og Össurar voru staddir hér á landi á dögnum en þeir hafa í sameiningu farið yfir kosti og galla þeirra breytinga sem gerðar hafa verið á skattkerfinu og þær sem eru í farvatninu. Þeir hafa fundað bæði með Viðskiptaráði Íslands og Samtökum atvinnulífsins.

Þeir gagnrýna helst tvönnar konar skattaálögur sem þeir telja víst að komi íslenskum fyrirtækjum illa. Annar þeirra er ádráttarskattur á vaxtagreiðslur til erlendra aðila. Skatturinn leggst á vaxtatekjur erlendra aðila og ber íslenskum fyrirtækjum að halda eftir fimmtán prósentum af vaxtagreiðslunni. Þar á meðal eru vaxtagreiðslur erlendra lána.

Eftir því sem næst verður komist hafa erlendir fjárfestar og lánveitendur brugðist við þessu með ákvæði í lánasamningum sem felur í sér að lántakandi greiðir skattinn.

Þá gagnrýna sérfræðingarnir skatt á arðgreiðslur frá erlendum dótturfélögum til móðurfélaganna hér á landi. Þessar greiðslur voru fram til síðustu áramóta skattfrjálsar. Nú njóta þær eingöngu skattfrelsis á móti uppsöfnuðu tapi. Þetta telja þeir geta leitt til þess að þau fyrirtæki sem eiga uppsafnað tap flytji ekki arðinn heim þar sem það vinnur gegn þeim skattafrádrætti sem fyrirtækið hefur á móti öðrum tekjum.

Það sem af er ári munu engar arðgreiðslur hafa borist hingað til lands frá erlendum dótturfélögum af þessum sökum.

STYÐJA SKAL VIÐ HAGVÖXT

Þeir sem rætt hefur verið við innan fyrirtækjanna sem nefnd hafa verið hér segja óstöðugleika í rekstrarumhverfi fyrirtækja setja þeim þröngar skorður. Nauðsynlegt sé að grípa til aðgerða sem styrki samkeppnisstöðu landsins.

Setur að manni óhug ef fyrirtæki flýja land

„Ég tel hættuna á fyrirtækjaflótta því miður raunverulega,“ segir Þórður Friðjónsson, forstjóri Kauphallarinnar og fyrrverandi forstjóri Þjóðhagsstofnunar. Hann bendir á að fyrir hrun hafi umhverfi fyrirtækja hér um margt verið hagfellt og fyrir vikið eftirsóknarvert að starf-rækja fyrirtæki í alþjóðlegum rekstri.

Þórður nefnir að skattalegar aðbúnaður hafi hér verið aðlaðandi í samanburði við flest önnur lönd og hagkerfið almennt talið vel skipulagt og traust. Nú séu aðrir tímar.

„Það er erfiðara að finna sannfærandi rök fyrir því að staðsetja áfram fyrirtæki á Íslandi sem eðli máls vegna gætu verið hvar sem er í

heiminum. Össur og Marel eru góð dæmi en einnig mætti nefna óskráð fyrirtæki, svo sem Actavis og CCP. Það setur að manni óhug að hugsa til þess ef eitt eða fleiri af slíkum fyrirtækjum hyrfu af landi brott,“ segir hann.

Þórður bendir á að þótt hrúnið hafi vissulega dregið úr því hversu eftirsóknarvert það sé að eiga og reka hér fyrirtæki hafi gríðarleg lækkun krónunnar áhrif. Veik staða hennar nú geti styrkt samkeppnisstöðu landsins til skamms tíma.

Þróunin er varhugaverð, að mati Þórðar: „Þetta viljum við auðvitað ekki að verði varanlegt ástand. Lágt gengi þýðir léleg lífskjör. En



ÓTTAST FLÓTTA Þórður Friðjónsson, hér á hægri hönd Halldórs Friðriks Þorsteinssonar hjá HF Verðbréfum, segir lágt gengi krónunnar til langframa viðsjárverða þróun.

MARKAÐURINN/STEFÁN

gengi krónunnar verður líklega lágt um nokkurn tíma og á meðan njóta útflutningsfyrirtæk-in óvenjulega hagstæðrar samkeppnisstöðu gagnvart öðrum löndum,“ segir hann og leggur áherslu á að þjóðin nái sér sem fyrst á strik eftir hrúnið.

„Við þurfum að geta sannfært okkur sjálf og umhverfið um að við séum á réttri leið. Og rétta leiðin er stysta leiðin að öflugum markaðsbúskap með áþekku sniði og var hér fyrir hrun, að sjálfsgöðu án gallanna sem leiddu til þess. Þegar við höfum valið skynsamlega leið inn í framtíðina þá þurfum við ekki að hafa áhyggjur af fyrirtækjaflótta,“ segir Þórður.

Gjaldeyrishöftin verst: CCP óskar eftir stöðugleika

„Við höfum ekki velt því fyrir okkur að fara. En það er voðalega erfitt að taka ákvarðanir og gera áætlanir fram í tímann á þeim forsendum hvað eigi mögulega að gera hér í framtíðinni. Það virðist vera planið að sækja um aðild að Evrópusambandinu og taka upp evruna eftir einhver ár. Mér líst vel á það,“ segir Hilmar V. Pétursson, forstjóri tölvuleikjaframleiðandans CCP. Hann bætir við að stjórnendur fyrirtækisins bindi vonir við að innganga Íslands inn í ESB muni leiða til þess að umhverfið sem þeir hafi starfað í síðustu ár róist og verði líkara því sem er í öðrum löndum þar sem CCP er með starfsemi. „Þar getum við gengið að flestu vísu,“ segir Hilmar.

AÐ MAÐUR SKULI NENNA ÞESSU!

CCP var stofnað fyrir rúmum áratug og hefur marga fjöruna sopið, meðal annars komist í gegnum netbóluna sem gekk af mörgum fyrirtækjum í upplýsingatækni dauðum. Hilmar segir óstöðugleikann ekki neikvæðan sem slíkan. „Maður verður að fókusera á það sem hægt er að breyta og vona það besta,“ segir hann.

Hilmar segir gjaldeyrishöftin það erfiðasta sem fyrirtækið hafi staðið frammi fyrir. „Þau eru hræðileg, sérstaklega fyrir fyrirtæki sem stundar alþjóðlega starfsemi frá Íslandi. Það er ótækt. Ég er stundum steinhissa á að við skulum nenna þessu. Við getum þolað þau í einhvern tíma. En höftin hafa flækt alla okkar starfsemi. Það fer mikill kraftur í þau. Við getum lífað með öllu hinu.“

RÁÐA ERLENT STARFSFÓLK

CCP lýsti því yfir í fyrrahaust að það ætli að ráða til sín rúmlega 150 nýja starfsmenn á næstu tólf til átján mánuðum. Leitað var fólks með menntun á sviði verkfræði, tölvunarfræði, stærðfræði og og skyldra greina auk hönnuða. Stefnt var að því að ráða

HILMAR V. PÉTURSSON



starfsfólk hér á landi yrði þess kostur.

Tæpt ár er liðið frá því fyrirtækið lýsti þessu yfir. Megnið af nýju starfsfólki var hins vegar ráðið í gegnum skrifstofur CCP í Atlanta í Bandaríkjunum og í Sjanghæ í Kína. Þá hefur starfsfólk verið ráðið í Newcastle í Bretlandi en þar opnaði fyrirtækið nýjustu skrifstofur sínar í lok júní. Mun færri hafa verið ráðnir hér á landi.

SKORTUR Á TÆKNIMENNTUN

Hilmar segir erfitt að finna starfskrafta á lausu hér með þá menntun sem CCP leitar eftir. Það skjóti skökku við að atvinnuleysi sé mikið á sama tíma og fyrirtæki í upp-lysingatækni eigi í erfiðleikum með að finna starfsfólk. Það virðist benda til að vinnuafli á Íslandi sé ekki með þá menntun sem fyrirtæki hér leiti hvað mest eftir.

„Við höfum flutt inn fólk til að fylla upp í þessar stöður. Það er okkar reynsla að þótt eitthvað hafi róast á vinnumarkaði hér þá á það fólk sem við leitum eftir almennt ekki í vandræðum með að finna sér vinnu, hvorki hér né úti. Það hefur ekkert breyst,“ segir Hilmar og bætir við að það sé síður en svo neikvætt að fá vel menntað og reynslumikið erlent fólk inn í íslensk fyrirtæki.

ENGIN SKYNDILAUSN TIL

Hilmar styður þær hugmyndir sem fram hafa komið og eiga að hvetja ungt fólk á atvinnuleysiskrá til að setjast á skólabeck í tækni- og raungreinum.

„Það bráðvantar fólk með verk- og tæknimenntun og úr raungreinum,“ segir hann og veltir fyrir sér hvers vegna þessi eftirspurn hafi ekki leitt til þess að fólk sækti í einmitt þetta nám. „Það tekur langan tíma að læra það sem við leitum eftir og því engin skyndilausn til,“ segir Hilmar.

Deir og viðmælendur Fréttablaðsins segja að skattaumhverfið verði að vera hagstætt, pólitískur stöðugleiki fyrir hendi og efnahagsaðgerðir stjórnvalda markvissar og fyrirsjáanlegar. Fyrirtækin verði að geta þrífist í eðlilegu umhverfi, opnu hagkerfi, þar sem frjálst flæði fjármagns og heilbrigður og skilvirkur fjármála- og hlutabréfamarkaður

eru fyrir hendi. Þetta séu grunnstöðir heilbrigðs atvinnurekstrar. Þeir sem rætt hefur verið við segja aðild landsins að Evrópusambandinu geta leitt af sér það sem þurfi auk þess að við bætist viðunandi vaxtastig, sem aldrei hafi sést hér.

Viðmælendur Fréttablaðsins benda jafnframt á nauðsyn þess að skoða efnahagsstefnuna

í breiðu samhengi þar sem engir nauðsynlegir hlutir gangverksins verði skildir út undan. Þar á meðal sé mikilvægt að skattar verði ekki hækkadur meira en orðið er, hvorki á fyrirtæki eða launþega. Jafnframt ættu stjórnvöld að huga að aðgerðum á þessu sviði til að styðja við fjárfestingu og hagvöxt. Það geti stutt við endurreisn efnahagslífsins.

Búa þarf í haginn fyrir fyrirtækin

„Við verðum að búa í haginn fyrir fjárfesta og bjóða upp á góðar aðstæður, í það minnsta sambærilegar og í nágrannalöndum. Þannig glæðum við atvinnustarfsemi sem er undirstaða efnahagslífsins,“ segir Finnur Oddsson, framkvæmdastjóri Viðskiptaráðs Íslands.

Finnur segir ekki hafa tekist vel við efnahagsstjórn síðustu árin. Efnahagslífið hafi um langt árabil einkennst af sveiflum, sem hafi gert stjórnendum fyrirtækja erfitt um vik.

ÓVISSA SPILLIR FYRIR

Í kjölfar efnahagsbrunsins hafi ekki tekið betra við: „Stjórnvaldsaðgerðir hafa valdið því að traust á þá sem halda í stjórnartauma hefur rýrnað. Það fælar á brott fyrirtæki sem hafa kost á að fara annað og kemur í veg fyrir að önnur leiti hófanna hér,“ segir Finnur og bætir við að ýmsar breytingar á skattkerfinu upp á síðkastið og aðrar sem fyrirhugaðar eru séu ekki til þess fallnar að halda í fyrirtæki eða laða önnur hingað til lands.

„Það verður að koma í veg fyrir að forsvarsmenn fyrirtækja sem geta farið annað hugleiði flutning þeirra. Í því sambandi ætti að horfa heildstætt á umhverfi fyrirtækjanna. Í dag eru margar brotalamir í kerfinu – ýmis atriði sem þegar á heildina litið gera rekstrarumhverfið fráhrindandi. Þær bætast við óróleikann í efnahagslífinu og skaða samkeppnishæfni hagkerfisins.“

Finnur leggur ríka áherslu á nauðsyn þess að tryggja hagfelld umhverfi til reksturs fyrirtækja í alþjóðlegri starfsemi. Öðru fremur þurfi að draga úr pólitískum óstöðugleika og auka traust á stjórnvöld og vilja þeirra til að styðja við atvinnulífið. Einnig þurfi að gæta að afleiðingum örra og lítt grundaðra breytinga á skattkerfinu. Slíkt umhverfi sé fráhrindandi. „Stjórnendur fyrirtækja huga að því hvort hag þeirra fyrirtækja sé betur borgið hér en annars staðar. Ef það er ekki raunin þá yfir það undir líkur



FINNUR ODDSSON Varasamt er að láta niðurskurð hins opinbera bitna á háskóla-kerfinu. Það getur hamlað vexti sprotageirans í framtíðinni, að sögn framkvæmdastjóra Viðskiptaráðs.


MARKAÐURINN/VILHELM

á að starfsemi fyrirtækja færast út fyrir landsteinana, sem þýðir að verðmætasköpun og störf fylgja og skatttekjur tapast. Í því viðkvæma ástandi sem við búum við núna munar um hvert fyrirtæki,“ segir Finnur og hefur sérstakar áhyggjur af fyrirtækjum innan hugverkageirans, sem eru hvað hreyfanlegast.

ÓLJÓS FRAMTÍÐ

Finnur segir mikilvægt að stjórnvöld geri upp við sig hvers kyns atvinnustarfsemi verði hér í framtíðinni. Hann er fylgjandi hugmyndum sem fjallað hefur verið um upp á síðkastið og fela í sér hvatningu fyrir fólk á atvinnuleysiskrá að afla sér tæknimenntunar. Það rími við yfirlýstan stuðning stjórnvalda við uppbyggingu sprotastarfsemi.

„Hugverkaiðnaðurinn byggir á hugmyndum og þekkingu, sem ekki er bundin við landamæri. Í þessum geira í dag eru á milli átta til níu þúsund störf og þörf fyrir eitt til tvö þúsund manns til viðbótar á hverju ári,“ segir Finnur. „Við þurfum á fleirum að halda til að standa undir vexti þessa geira,“ bætir Finnur við og vikur að mikilvægi menntakerfisins sem annað ekki þörfinni í dag. „Það þarf vissulega að skera niður í opinberum útgjöldum, en um leið þarf að huga að undirstöðum efnahagslegrar endurreisnar. Þetta er umhugsunarefni því háskólamenntun, sérstaklega á sviði tæknigreina, telst til grunnstoða hugverkaiðnaðarinnar þar sem sóknarfæri okkar liggja ljóslega,“ segir Finnur.



Stefnir – Ríkisvixlasjóður.

Góður kostur fyrir einstaklinga og fyrirtæki.

Verðbréfabjónusta Arion banka er söluaðili sjóða Stefnis.

Kynntu þér sjóðina hjá starfsfólki verðbréfabjónustu Arion banka í síma 444 7000, í næsta útibúi eða á arionbanki.is/sjodir

- 90% ríkisvixlar og ríkisskuldabréf / 10% innlán
- Vixlar og stutt skuldabréf með ábyrgð íslenska ríkisins. Sjóðnum er heimilt að fjárfesta allt að 10% í innlánnum.
- Litlar sveiflur í ávöxtun og enginn binditími.
- Hentar þeim sem vilja fjárfesta í þrjá mánuði eða lengur.
- Lágmarkskaup 5.000 kr.
- Enginn munur á kaup- og sölugengi.

Hafðu samband
sími 444 7000 • arionbanki.is

 Arion banki

Ferðamenn færri en áður

Rúmlega 53 þúsund erlendir ferðamenn fóru frá Íslandi um Leifstöð í júní en það er um þúsund manns færri en í júní í fyrra.

Frá áramótum hafa rúmlega 170 þúsund ferðamenn farið frá landinu en á sama tíma í fyrra voru þeir um 180 þúsund. Fækkunin nemur tæpum fimm prósentum á milli ára.

Ferðamönnum frá Norður-Ameríku hefur fjölgað töluvert á árinu miðað við árið í fyrra en ferðamönnum frá flestum öðrum markaðssvæðum hefur fækkað. - mþl



LEIFSTÖÐ Umferð um Flugstöð Leifs Eiríkssonar hefur aukist mikið á undanförunum árum.

Framtíðin í tölvuskýi

Fyrirtæki geta hagrætt í rekstri með kaupum á aðgangi að hugbúnaði á netinu. Gagnavistun er að færast yfir á netið.

Lítill fyrirtæki þurfa ekki lengur að kaupa dýran hugbúnað og leggja fjármagn í tölvukerfi. Þau geta sparað sér háar fjárhæðir með því að kaupa aðgang að tölvuskýjum (e. cloud computing) á netinu til lengri eða skemmri tíma. Þegar netnotkun eykst með farsímum og spjaldtölvum verður þetta framtíðin í upplýsingatækni.

Þetta segir Lars Mikkilgaard-Jensen, forstjóri tölvurísans IBM á Norðurlöndum, en hann var staddur hér á dögum.

Þótt tæp hálf öld sé liðin frá því grunnhugmyndin að tölvuskýjum var lögð fram gerðist lítið sem almenningur gat greint fyrr en fyrir um fjórum árum. IBM var eitt þeirra fyrirtækja sem ruddu brautina.

Mikkilgaard-Jensen segir tölvuskýin hafa verið á jaðrinum þar til nú. Um hálf tölva sé síðan þau hafi verið mikið í umræðunni sem það heitasta og nýjasta í upplýsingatækni. Nú séu þau öllu hversdagslegri, orðin hluti af daglegum rekstri. Mikkilgaard-Jensen segir ómögulegt að spá fyrir um vöxt tölvuskýja í upplýsingatækni.

„Við vitum það ekki, þetta er svo nýtt fyrir okkur. Fyrir hálfu ári var lítið í gangi. Fyrir þremur



FORSTJÓRINN Eftir því sem tölvur breytast og geymslurými verður minna mun gagnavistun færast í auknum mæli yfir á netið, segir Lars Mikkilgaard-Jensen, forstjóri IBM í Danmörku. MARKAÐURINN/GVA

mánuðum tókum við eftir snörpum vexti. Það er næstum ómögulegt að spá fyrir um nánustu framtíð með vissu,“ segir hann en reiknar með að eftirspurn verði eftir gagnavist í tölvuskýjum með breyttri tölvunotkun, það er þegar handfrjálssar og litlar spjaldtölvur á borð við iPad og farsímar með öflugum netvöfrum en tiltölulega litlu geymslurými verða algengari. „Það er engin spurning að tölvunotkun er að færast í þessa átt,“ segir forstjórinn danski. - jáb

Hvað er tölvuský?

Tölvuský (e. cloud computing) er ekki nýtt af nálinni. Í grunninn er skýið fátt annað en gagnaver. Í verinu er vistaður hugbúnaður sem fyrirtæki um allan heim geta keypt aðgang að og notað í gegnum netið. Skýin eru rekin jafnt af einkafyrirtækjum á borð við hið íslenska Greencloud sem selur fyrirtækjum aðgang að hugbúnaði sem vistaður er í gagnaveri. Bandaríska risafyrirtækið Google rekur nokkur risagagnaver víða um heim. Dæmi um gagnaver þar sem gögn eru vistuð er ver Thor Data Center í Hafnarfirði.

Vogunarsjóðsstjóri svipti sig lífi

Dieter Frerichs, þýskur framkvæmdastjóri vogunarsjóðsins K1 Group, sem grunaður er um alvarleg fjárvik, svipti sig lífi á laugardag.

Frerichs stjórnaði tveimur fjárfestingarsjóðum undir nafninu K1 á Bresku Jómfrúaeyjum. Hann var miðpunktur alþjóðlegrar glæparannsóknar sem fór af stað þegar grunur vaknaði um að vogunarsjóðurinn væri í raun byggður á píra-míðasvindli. Saksóknarar í þýsku borginni Wuerzberg, sem hafa málið í sinni umsjá, telja að jafngildi 47 milljarða íslenskra króna hafi tapast í svikumum. Meðal fórnarlamba voru bandar á borð við JPMorgan Chase, Barclays og BNP Paribas. Þykir málið ekki ósvipað máli Bandaríkja-

mannsins Bernards Maddoff sem komst upp í lok árs 2008.

Frerichs var staddur í húsi sínu á spænsku eyjunni Mallorca. Dómstóll í Madrid hafði fyrirskipað handtöku á honum eftir að þýsku saksóknararnir kröfðust framsals til Þýskalands svo hægt væri að yfirheyra hann um störf sín. Lögreglumenn komu að honum í sólbaði en þegar hann varð þeirra var greip hann byssu úr tösku sem hann átti og hljóp út í sjó. Hann reyndi ítrekað að skjóta úr blautri byssunni sem stóð á sér en eftir nokkrar misheppnaðar tilraunir hæfði hann sjálfan sig. Frerichs, sem var 72 ára gamall, var færður á sjúkrahús þar sem hann lést. - mþl

YFIR HEIÐINA MEÐ ÓLA KRISTJÁNI

Með krafta í köggglum



Óli Kristján Ármannsson blaðamaður tekur til kostanna notaða bíla og metur hvort þeir fái staðið undir því að kallast forstjórabílar.

Volvo CX90 SE+ er jepplingur af stærri gerðinni, nokkuð rennilegur, en sker sig þó ekki að ráði úr þeim fjölda slíkra bíla sem aka hér um götur. Hins vegar kemur í ljós þegar rýnt er í helstu staðreyndir um bílinn að aflíð er hrikalegt.

Samkvæmt skráningarskírteini er bíllinn 315,5 hestöfl og það er ekkert smáræði í bíl sem ekki er nema rétt rúm tvö tonn að þyngd. Vélin orgar enda á upptakinu, átta sílindra, 4,4 lítrar að stærð. Með svona vél hefði maður allt eins átt von á meiri bensíneyðslu, en í blönduðum akstri eyddi bíllinn rétt tæpum 12 lítrum á hundraðið hjá undirrituðum.

Sjálfsagt fer það eftir smekk hvers og eins hvað hann kys að skera sig úr í umferðinni. Þessi jepplingur Volvo er ósköp áferðarfallegur, en lítt afgerandi. Segja mætti að bíllinn sé forstjóraregri að innan en utan, því innanrýmið er rúmgott og haganlega hannað. Viðaráferð er á innréttingum, ljóst leður í sætum, rafdrifin sóllúga og afbragðshljóðkerfi. Geislaspilarinn tekur sex diska í einu og hljómburðurinn í bílnum er þannig að erfitt gæti orðið að ná tónlistaráhugamanni úr bílstjórasetinu nema hann leyfi laginu að klárast fyrst. Skriðstíll er sömuleiðis haganlega fyrir komið og þægilegt við hann að eiga.

Þá er vert að nefna að bíllinn er líka með rauf fyrir farsíma-



VOLVO CX90 SE+ Volvoinn er í stærðarflokki með jepplingum frá BMW og Audi. Prufueintakið er með 18 tommu álfelgur og 315 hestafla skrimslí undir húddinu. MARKAÐURINN/ÓKA

HELSTU STAÐREYNDIR

Volvo XC90 SE+, árgærd 2006	
Ásett verð:	6.790.000 krónur
Ekin:	53.000 km
Lengd:	480,7 cm
Breidd:	190,9 cm
Litur:	Dökkgrár
Sætafföldi:	5
Þyngd:	2.036 kg
Burðargeta:	584 kg
Slagrými:	4.414 cm ³
Afl:	232,0 kW
Eldsneyti:	Bensín

kort í mælaborðinu og því nánast eins og akandi farsími. Handfrjálss búnaður gerir öikumanni svo kleift að spjalla að vild. Komi svo að þeim tímamarki í samræðunum að samferðafólk megi ekki hlusta, þá er hægt að rífa upp símtól sem er við hlið öikumannsins.

Helstu annmarkar á þessu eintaki voru að bíllinn bar þess aðeins merki að vera notaður. Rafdrifin stilling á hliðarspegli farþegamegin virkaði ekki og læsing á skotti var stírd þannig að lag þurfti til að opna það og loka.

Segja mætti að Volvo-jepplingurinn sé kaggi, „fær í flestan sjó“. Fjórhljadrifið gerir að hann er stöðugur eins og klettur á malarvegi, þótt kannski sé spurning hver þörfin sé á því svona innabæjar. Krafturinn er gífurlegur og þótt bíllinn sé sjálfskiptur eftirlætur Volvo öikumanni meiri stjórn með „geartronic“ skiptingunni og hverjum og einum því í lófa lagið að mótorgremsa að vild. Það sparar líka bensín. (Sem kann að vera ágætt, því með svona vél undir húddinu þarf nokkra sjálfstjórn til þess að láta ekki eftir sér að þrúma fram úr öðrum öikumönnum á leiðinni upp Kambana.)

25%
afsláttur
í júlí

Fjölnotapappír

5x500 blöð A4 ~~3.995kr~~
með 25% afslætti **2.996kr**



NÝSLEGNIR TÚSKILDINGAR

Hinn 1. janúar 1981 tók nýr gjaldmiðill gildi. Tvö núll voru slegin af krónunni og jafngildi því ein nýkróna hundrað gömlum. Starfsmenn Seðlabankans stilltu sér upp fyrir ljósmyndara með fullar skjóður af nýslegnum krónum.

FRUMSÝNUM NÝJA ÚTGÁFU AF EINUM
VINSÆLASTA SPORTJEPPA LANDSINS

QASHQAI+2



Nissan Qashqai hefur hlotið fleiri stig fyrir öryggi fullorðinna í árekstrarprófunum en nokkur annar bíll.

Nissan Qashqai hefur farið sigurför um Evrópu og verið mest seldi bíllinn í sínum flokki undanfarin misseri. Í dag kynnum við glænýja og mikið endurnýjaða útgáfu af þessum frábæra sportjeppa sem nú fæst líka í 7 manna útgáfu, **Qashqai+2**. Komdu við hjá okkur í dag, kynntu þér magnaðan fjölskyldubíl og mátaðu hvor útgáfan af Nissan Qashqai hentar þér betur.

Verið velkomin í reynsluakstur

Qashqai kostar frá:
4.990.000 kr.



NISSAN MICRA - Verð frá 2.490.000 kr.



NISSAN MICRA - Verð frá 2.740.000 kr.

Qashqai fylgir ríkulegur staðalbúnaður, m.a.:

- Bluetooth símsvörunarbúnaður
- Bakkskynjarar
- Regnskynjarar á rúðupurrkum
- 17" álfelgur
- Tvöföld loftkæling
- ESP stöðugleikastýring
- Glerpak (Qashqai+2)
- 7 sæti (Qashqai+2)

B&L og Ingvar Helgason
Sævarhöfða 2 • 110 Reykjavík
525 8000 • www.bl.is • www.ih.is
www.nissan.is



SHIFT_the way you move

BANKAHÓLFID

Kreppufræðingur skýtur framhjá

Bandaríski hagfræðingurinn Paul Krugman sem hlaut Nóbelsverðlaun í hagfræði árið 2008 skrifaði grein um íslensku kreppuna í dálki sínum á net-síðu bandaríska stórblaðsins New York Times í síðustu viku. Krugman, sem er einn þekktari kreppufræðinga heims, sagði í stuttu máli refsingu Íslands vegna kreppunnar vægari en hjá öðrum þjóðum. Það sé að þakka óhefðbundnum meðölum, krónunni ýtt fram af bjargbrúninni og gjaldeyrishöft sem innleidd voru haustið 2008.

Krugman dregur þær ályktanir að gengisfallið hafi breytt viðvarandi halla á utanríkisviðskiptum í vænan afgang og höggið af völdum kreppunnar sé vægara en ella. Máli sínu til stuðnings bendir hann á tölur um atvinnuleysi, sem séu öllu jákvæðari hér en í Eystrasaltsríkjunum, sem urðu illa úti í kreppunni.

Skamm!

Líkt og venja er almennt með pistla Krugmans vakti umfjöllun hans um íslensku kreppuna mikla athygli víða um heim. Þegar síðast var að gáð höfðu rétt rúmlega hundrað gert athugasemdir við skrifin og er það í efri mörkum. Flestar eru þær á neikvæðum nótum og hagfræðingnum gefið að sök að hafa ekki farið með rétt mál.

Af mörgu er að taka. Fall krónunnar og afleiðingar þess stóð hins vegar í mönnum enda benda þeir á, þvert á skrif kreppufræðingsins, að krónan hafi ekki verið látin falla. Hún hafi fallið og það án þess að við neitt hafi verið ráðið. Ekki sé heldur raunhæft að bera dýpt kreppunnar saman við niðursveiflu í öðrum löndum. Við gengishrunið hafi innfluttar vörur rokið upp í verði og skuldbindingar í erlendum gjaldmiðlum orðið óbærilegar. Það hafi ekki gerst í öðrum löndum og stærri hagkerfum þar sem annar gjaldmiðill sé almennt notaður eða nátengdur öðrum.

Vinaleg ábending

Þórólfur Matthíasson, prófessor í hagfræði við Háskóla Íslands, er einn þeirra sem skrifa kollega sínum vestanhafs nótu og hann hnýtir í ýmislegt. Þórólfur er á kurteislegum nótum, en varar við því að landar sínir, sem hann gerir ráð fyrir að geti gert athugasemdir við skrifin, gætu orðið ruddalegrí.

Í stuttu máli telur Þórólfur fræðabróður sinn fara á hunda-vaði yfir kreppuna í pistli sínum og draga af því rangar ályktanir. Eitt af því sem Þórólfur bendir á er að þegar kreppan skall á hafi erlent vinnuafli sem hingað kom í uppsveiflunni snúið aftur heim. Svipaða sögu sé að segja af fjölda Íslendinga, sem hafi leitað grænni haga í Noregi. Því sé atvinnuleysi ekki meira en það er.

21.000

umsóknir bárust frá 2.200 námsmönnum um sumarstörf í tengslum við átaksverkefni á vegum ríkis og sveitarfélaga.

1.860

milljarðar króna er upphæð lánsins sem sendinefnd Alþjóðgjaldeyrissjóðsins hefur mælt til þess að verði veitt til Úkraínanna.

10

lönd eru á frægum lista CMA DataVision yfir áhættusömstu ríkisskuldabréfin. Ísland er ekki lengur þeirra á meðal, í fyrsta sinn frá bankahruni.



ÓPUSallt

matar okkur á upplýsingum

„Við höfum notað Ópusallt í næstum áratug og það hefur stækkað með okkur. Notendaviðmótið er þægilegt og starfsmenn geta auðveldlega nálgast allar upplýsingar, á öllum stigum starfseminnar. Við höfum bætt við kerfið sérstökum lausnum vegna aukinna umsvifa og HugurAx hefur alltaf brugðist fljótt við og sniðið kerfið fullkomlega að okkar þörfum hverju sinni.“

Auðjón Guðmundsson,
markaðsstjóri Kjarnafæðis.

Kjarnafæði

er eitt stærsta kjötvinnslu- og matvælaframleiðslufyrirtæki landsins. Fyrirtækið hefur starfað í 25 ár og vaxið jafnt og þétt. Ársvelta fyrirtækisins er nú yfir 2 milljarðar króna. Hjá Kjarnafæði starfa um 120 starfsmenn við framleiðslu, birgðahald, lagervinnu, dreifingu, sölu matvæla o.fl. Framleiðslan er afar fjölbreytt og fyrirtækið rekur starfsstöðvar á Akureyri, Svalbarðseyri og í Reykjavík. Daglega eru afgreidd yfir 700 vörunúmer til mörg hundruð viðskiptavina um land allt, matvöruverslana, mótuneyta og veitingastaða. Kjarnafæði notar Ópusallt.

Ópusallt – gerir allt!

Ópusallt er allt í senn: Stjórntæki, upplýsingakerfi og bókhaldskerfi. Allt viðmót er einstaklega þægilegt, lítið mál að setja upp sölunótur, reikninga, tilboð o.fl.

Íslenskur hugbúnaður fyrir íslenskar aðstæður

Ópusallt er hannað fyrir íslenskt viðskiptaumhverfi. Fyrir vikið þarf ekki að verja dýrmætum tíma í aðlögun kerfisins að íslenskum aðstæðum. Notendur Ópusallt þurfa heldur ekki að greiða leyfisgjöld sem taka mið af himinháu erlendu gengi.

HUGUR / AX

Guðríðarstíg 2–4
113 Reykjavík

Sími 545 1000
www.hugurax.is

ÓPUSallt

Viðskiptalausn frá HugAx

TAKTU FLOTTAR MYNDIR Á FRÁBÆRAR MYNDAVÉLAR

FRÁ **OLYMPUS**

OLYMPUS
FE-26

Stafræn myndavél
12 milljón pixlar
3x aðráttarlinsa
(36-108mm)



FULLT VERÐ: 19.900 KR.

Tilboðsverð: 16.900 kr.

Til í þremur litum: Svört, blá og bleik

SAMSUNG

SMX-F30LP

Hágæða vídeó
upptökuvél



Vídeo upptaka (720 x 480 @60i)
2,7" LCD snertiskjár í Full HD upplausn
34x Optical Zoom / Notar SD/SDHC kort
Verð: 44.900 kr.

CASIO
EX-H10

Stafræn myndavél
12,1 milljón pix upplausn
10x aðráttarlinsa
(24-240mm)



FULLT VERÐ: 59.900 KR.

Tilboðsverð: 49.900 kr.

Til í tveimur litum: Svört og silfur

SAMSUNG

CASIO

ORMSSON

ALLAR NÁNARI UPPLÝSINGAR: www.ormsson.is

VERSLANIR UM LAND ALLT